



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Eqvitijs C. 7. Martii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

S. EQVITIVS C. 7. Martii.

QVod paucis datū est, castitatis donum EQVITIVS Angelorū beneficio consecutus est, qui omnē libidinis fomitem auferre à dormiente sunt visi. Qui nosse cupit, quī sibi Angelos tam demeruerit, noverit precibus id fecisse castis, quas si in carnis luctā cū EQVITIO plures funderent, plures etiam hostem funderent. Cæterum rude donatus miles noster, nihilominus pro castitate sedulus vigilavit. Quare cū Basilium Magum recipere inter monachos cogeretur, palam edixit dæmonem sub monachi larvâ latere, quā illi tunc detraxit, cū virgo è velatis febri correpta unius Basilii opem inelamavit. Rectius enim EQVITIVS hanc curavit, Basilio medico extra septa monasterii ejecto. Alterum dæmonē ex alterâ virgine prescripsit. Sed ille bellè se purgavit, cū otiosum lactucæ infedisse, & gulosæ dentibus ultro petitū se & devoratum dixit, utique levi manu, quæ crucem duceret, abigendum. Porro alterum donum ab Angelo tunc tulit, cū linguam ejus hic ferro tetigit, ut jam, etsi vellet, tacere de Deo non posset. Quòd tamen sui contemptū in moribus etiam & vestibus præ se ferret, obsistere dicenti ad populum Pont. per nuntium cogitabat. Sed uterque aliter mo-

S. MART. *Vita Sanctorum.* 141
monitus à cælo, cœptis destitit. Mortuus deinde EQVITIVS tamen suos à Langobardorū vi defendit. Cùm enim hi trucidādos monachos à tumulto Divi abstraherent, hostibus hic alios hostes dæmones malos immisit. Ab his infessi Langobardi obsidionem scilicet cœnobii solverunt. *Ex Dial. S. Greg. l. 1. c. 4.*

S. PHILEMON M. 8. Martii.

DEdit hodie cœlo risum PHILEMON, cùm terris tantum pararet, nimis doctus mimus. Apollonius Christianus sacrificare Diis jussus, cùm & scelus facere, & nō faceret, pœnas dare metueret, auro PHILEMONEM corrumpit, jubetq; ut APOLLONIVM interim induat, dum sacrificet. Ille dum APOLLONIVM veste, vultu gestuque mentitus omnium oculos, & quod mirere, suos adeo fallit, repente advertit non vestem modò, sed animum etiam Christianū se induisse. Crucis signo (ipse se miratus) armat. Negat dæmonibus litaturum. Deniq; jam non agere Christianum, sed esse talis videtur. Nempe furere Apollonium exclamat Præses Arrianus, jubet tibicinē PHILEMONEM adesse, qui mulceret insanientē. Mox re omni intellectā cachinnū tollit, acclamat, plaudit, bellissimam fabulam multis laudat, nimisq; bene simulasse PHILEMONEM Christianam religionem